


# 1614  
ARTICLES  
DE LA PAIX. 300f



A PARIS,

Chez F. MOREL, & P. METTAYER,  
Imprimeurs & Libraires ordi-  
naires du Roy.


M. D C. XIV.

*Avec Privilege de sa Majesté.*



Digitized by the Internet Archive  
in 2010 with funding from  
University of Toronto

1614  
ARTICLES  
DE LA PAIX.



A PARIS,  
Chez F. MOREL, & P. METTAYER,  
Imprimeurs & Libraires ordi-  
naires du Roy.

60R  
126R  
M. D C. XIV.

*Avec Privilege de sa Majesté.*



*ARTICLES ACCORDEZ*  
*par le Duc de Vantadour, Pair*  
*de France, & Lieutenant pour le*  
*Roy au Gouvernement de Lan-*  
*guedoc, les Sieurs de Thou, Iean-*  
*nin, de Boissizé, & de Bullion,*  
*tous Conseillers au Conseil d'E-*  
*stat, & Commissaires deputez par*  
*sa Maïesté, en vertu du pouuoir*  
*cy-apres transcrit, du 5. May der-*  
*nier, à Monseigneur le Prince de*  
*Condé, premier Prince du sang,*  
*tant en son nom que des autres*  
*Princes, Officiers de la Couronne,*  
*& Seigneurs qui l'ont assisté, soit*  
*presens ou absens.*

## I.

*QV E les Estats Generaux du Royaume*  
*seront conuoquez & assemblez en la ville de*



Sens à la maniere accoustumee, dans le vingt-cinquiésme du mois d'Aoust prochain, en laquelle les Deputez des trois Ordres qui y assisteront, pourront en toute liberté faire les propositions & remonstrances qu'ils iugeront en leurs consciences estre vtils pour le bien du Royaume, & le soulagement de ses subiets, afin que sur icelles sa Maiesté par l'aduis des Princes de son sang, autres Princes Officiers de la Couronne, & principaux Seigneurs de son Conseil, puisse faire quelques bons Reglemens & Ordonnances, pour contenir vn chacun en deuoir, affermir les loix & Edicts faiçts pour la conseruation de la tranquillité publique, & reformer en mieux les desordres qui peuuent donner quelque iuste occasion de plainte & de mescontentement à ses bons subiets.

## II.

QVANT aux Mariages d'Espagne, la Royne Regente a escript à Monseigneur le Prince sur ce subiet lettres, dont il a receu contentement. Ainsi n'est besoing d'en faire mention en cest Article.

## III.

LES fortifications de la citadelle de Mezieres qui sont du costé de la ville, seront démantelées & ostées, & sur la supplication faiçte par

Monsieur le Duc de Neuers, qu'il plaise à sadi-  
cte Maiesté luy ordonner assignation de quel-  
que somme de deniers pour luy ayder à con-  
struire vne maison, au lieu d'icelle qu'il auoit  
en ladiete ville de Mezieres, laquelle fut de-  
molielors qu'on bastit ladiete Citadelle : a esté  
accordé qu'il sera pourueu cy-apres d'assigna-  
tion de la somme dont on conuiendra avec  
luy.

#### IV.

LE fort de Blauet, dont on s'est saisi depuis  
ces derniers mouuemens, & que l'on a com-  
mencé à rebastir & fortifier, sera entierement  
démoly, razé, & remis au mesme estat qu'il e-  
stoit auparauant ladiete saisie & surprise, sans  
que cy-apres il y ait aucun Capitaine ny gar-  
nison, & le seront pareillement toutes autres  
nouuelles fortifications faictes en la Prouince  
de Bretagne par qui que ce soit, pendant, & à  
l'occasion du present mouuement.

#### V.

ET pour faire cesser les ruines & oppressions  
que le peuple souffre à l'occasion des gens de  
guerre, tant François qu'Estrangers qui ont  
esté leuez depuis le premier iour de Ianuier  
dernier, & sont à present espanchez en diuers  
endroits de ce Royaume, soit pour sa Majesté  
ou pour ledict Sieur Prince, seront licentiez,

& lesdits Estrangers conduits hors le Royaume par Commissaires qui seront à ce deputez par sa Majesté , & ledi& Sieur Prince dans douze iours , apres la signature des presens articles. Et pour le regard des François , leur sera enjoint de se retirer en leurs maisons douze iours apres la signification qui leur en sera faite , à peine d'estre punis comme vagabons , & gens sans adueu.

## VI.

SA Majesté voulant gratifier ledi& Sieur Prince, a tres-volontiers accordé sur la priere & instance qu'il luy en a fai& , & l'assurance qu'il a de son affection & fidelité à son seruice, la Ville & Chasteau d'Amboise en depost, iusques apres la tenuë des Estats generaux , & pour la garde d'iceluy Chasteau, cent hommes de garnison.

## VII.

MONSIEUR le Duc de Vendosme absent, rendant l'obeissance qui est deuë à sa Majesté, pour les causes contenues au présent traitté, elle veut & entend qu'il soit remis en son Gouvernement, charges, honneurs, Capitaineries & Estats pour en iouïr tout ainsi qu'il souloit faire cy deuant, & que toutes interdictiōs fai&tes par lettres patentes ou autrement, soyent leuees & ostees par autres lettres pa-



tentes , adressees au mesme Parlement de Bretagne, en sorte qu'elles ne luy puissent estre d'aucun prejudice.

### VIII.

ET sur ce qu'il a faict représenter auoir obtenu le consentement des Estats de Bretagne, pour leuer dans le pays l'argent necessaire pour l'entretienement de ses gardes , sadiete Majesté a trouué bon de confirmer & approuuer ce que lesdicts Estats ont faict en ceste endroit.

### IX.

COMME aussi ayant esgard à la supplication qui luy a esté faicte de la part de Monsieur le Duc de Retz, de vouloir entretenir le nombre des gēs de guerre dans Machecou & Belle-Isle , selon qu'il est contenu au breuet octroyé par le feu Roy , elle a accordé de le faire pour quatre ans.

### X

L'ENTREPRISE faite sur Hennebon au preiudice du Sieur de Camore qui en est Capitaine & Gouverneur , sera reparee , & luy remis en sa charge comme il souloit estre auant ce mouuement.

### XI.

TOUTES les garnisons mises dans les Villes & places du Royaume , à l'occasion du

present mouuement depuis le premier iour de Ianuier dernier, seront ostees fors & excepté cent hommes qui seront entretenus à Mezieres, iusques apres la tenuë des Estats generaux du Royaume, & deux cens hōmes pour le mesme temps en la ville de Soissons dont Monsieur le Duc de Mayenne est gouuerneur, & demeureront toutes les autres places au mesme Estat qu'elles estoient auparauant.

## XII.

LETTRES patentes seront expediees & l'adresse d'icelles faicte à tous les Parlements pour les verifier, par lesquelles sa Maiesté declarera auoir esté bien & deuëment informee, ledit sieur Prince, & les autres Princes Officiers de la Couronne de quelque qualité & condition qu'ils soient & qui l'ont fuiuy & assisté en ce mouuement n'auoir eu aucune mauuaise intention contre son seruice, avec les clauses necessaires pour leur seuretez & descharges, & empescher qu'ils ne puissēt estre poursuiuis & recherchez à ceste occasion à l'aduenir, ensemble pour les reestablr en leurs charges, Estats & dignitez pour en iouyr tout ainsi qu'ils souloient faire auant ce mouuement.

## XIII.

ET pareillement sera escrit par sa Maiesté

aux Princes, Estats & Republiques alliez de ceste Couronne, & personnes de qualité enuoyees expres vers eux pour leur faire entendre ce qu'elle a recogneu de l'innocence & bonne intention desdits Sieurs Princes & Officiers de la Couronne & Seigneurs qui les ont assistez.

#### XIV.

ACCORDE encor sa Maiesté pour tous les frais que lesdits sieurs Princes Officiers de la Couronne & Seigneurs pourroient auoir fait à l'occasion de ce mouuement, de donner comptant audit Sieur Prince de Condé la somme de quatre cens cinquante mil liures, à departir par luy entr'eux ainsi que bon luy semblera.

#### XV.

MOYENNANT les choses susdites qui autrement n'eussent esté consenties & accordees par sa Maiesté, se sont lesdits sieurs Princes Officiers de la Couronne & Seigneurs departis de toute ligue & association avec qui que ce soit, tant dedans que dehors ce Royaume, avec promesse de n'en iamais faire à l'aduenir.

#### XVI.

ACCORDE aussi sa Maiesté en consideration des grands & signalez seruiçes faits à ceste

Couronne, tant par les predecesseurs dudit  
 fleur Duc de Neuers que par luy mesme, de  
 luy donner vn breuet & toutes autres expe-  
 ditions necessaires pour la suruiuance du gou-  
 uernement de Champagne au nom de son fils  
 aîné.

## XVII.

FAICT & arresté à sainte Manchould le  
 quinziesme iour de May, mil six cens qua-  
 torze.

Signé HENRY DE BOVRBON,  
 VANTADOVR, CHARLES DE  
 GONZAGVE DE CLEVES,  
 HENRY D'ORLEANS, HEN-  
 RY DE LORRAINE, HENRY  
 DE LA TOVR, AV. DE THOV,  
 P. IEANNIN, I. DE THVMERY,  
 BVLLION, HENRY DE LV-  
 XEMBOVRG, TAVANES.



**L** OVIS PAR LA GRACE DE DIEV  
 ROY DE FRANCE ET DE NAVARRE.  
*Anostre cher & bien amé Cousin le Duc de Vantadour, Pair de France, nostre Lieutenant General au Gouvernement de Languedoc, & à nos amez & feaulx Conseillers en nostre Conseil d'Estat, les sieurs De Thou, Jeantin, De Boissize, & De Bulion, salut. COMME pour resouldre les Propositions & Ouvertures qui ont esté cy-deuant faictes pour faire cesser les mouuemens qui se preparoient en ce Royaume, Naus vous auons enuoyez en nostre ville de Soissons, où estoit lors nostre tres-cher Cousin le Prince de Condé: Et estant besoin à présent pour conuenir avec nostre dit Cousin, des moyens propres à l'effet de nostre intention vous authorizer de nos Lettres de Commission à ce necessaires. ACES CAUSES, à plain confians de vostre affection, fidelité, suffisance, & bonne conduite, Nous vous auons par l'aduis de la Royne Regente nostre tres-honnoree Dame & Mere, des Princes Officiers de nostre Couronne, & Principaux Seigneurs de nostre Conseil estants prez de nous, commis, ordonnez, & deputez: commettons, ordonnons & deputons par ces presentes, Pour vous transporter derechef vers nostre dict Cousin le Prince de Con-*

dé, luy déclarer nos volontez sur l'accommodement  
 desdits mouvemens, en convenir, traicter, cōclurre  
 & passer en nostre nom, tant pour luy, que pour  
 les Princes Officiers de la Couronne, Seigneurs,  
 & tous autres qui l'ont assisté & suivy, Les Ar-  
 ticlcs & conditions que vous iugerez raisonna-  
 bles & viles à nostre service, les signer & en  
 promettre l'exccution de nostre part, & generale-  
 ment faire en ce que dessus circonstances & de-  
 pendances, tout ce que nous mesmes ferions &  
 faire pourrions si presents & en personne y e-  
 stions: iacoit que le cas requist Mandement plus  
 special que n'est contenu en cesdictes presentes.  
 Premettans en foy & parolle de Roy auoir agrea-  
 ble, tenir ferme & stable à tousiours tout ce que  
 par vous sera faict, traicté, conclu, geré, promis  
 & negocié pour ce regard, & d'en donner & fai-  
 re expedier les Declarations necessaires. De ce fai-  
 re vous auons & aux trois de vous en l'absence,  
 maladie, ou empeschement des autres, donné &  
 donnons plain pouvoir, puissance & authorité.  
 Car tel est Nostre plaisir. **DONNE** à Paris,  
 le cinquiesme iour de May, l'an de grace mil six  
 cens quatorze, Et de nostre Regne le quatriesme,  
 Ainsi signé, **LOVIS**. Et plus bas par le Roy, la  
 Royne Regente (sa Mere presente, **DE LOMENIE**,  
 Deuëment seellée du grand seel en cire iaulne à sim-  
 ple queue.

